



Broj:
Sarajevo, 17.02.2021. godine

PRIMLJENO: 17-02-2021			
Organizaciona jedinica	Klasifikaciona oznaka	Redni broj	Broj priloga
01,02-50	-11	-13-1	21

PARLAMENTARNA SKUPŠTINA BOSNE I HERCEGOVINE
n/r predsjedavajuće Predstavničkog doma PSBiH, gđa. Borjana Krišto
n/r predsjedavajućeg Doma naroda PSBiH, gđin. Nikola Špirić

Na osnovu člana 172. stav (3) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15, 97/15, 78/19 i 26/20), u vezi sa zakazanom 1. posebnom sjednicom oba doma PSBiH o temi: "Poslanici/delegati pitaju – Vijeće ministara BiH odgovara", koja će biti održana 11.03.2021. godine u 11 sati, postavljam predsjedavajućem Vijeća ministara BiH sljedeće

ПОСЛАНИЧКО ПИТАЊЕ

1. Zašto Vijeće ministara BiH nije u zadatom roku realiziralo poslaničku inicijativu koju je Predstavnički dom PSBiH usvojio na 14. sjednici održanoj 09.12.2020. godine, a koja se odnosi na pripremu i dostavljanje u parlamentarnu proceduru Prijedloga zakona o sprečavanju govora mržnje na internetu i kada možemo očekivati dostavljanje ovog Prijedloga zakona u parlamentarnu proceduru?

Образложење

Predstavnički dom PSBiH je na 14. sjednici održanoj 09.12.2020. godine usvojio poslaničku inicijativu kojom tražim od Vijeća ministara BiH da u roku od 60 dana od dana usvajanja inicijative pripremi i u parlamentarnu proceduru uputi *lex specialis* Prijedlog zakona o sprečavanju nezakonitog govora mržnje na internetu, koji će biti usklađen sa sudskom praksom Evropskog suda za ljudska prava, preporukama i konvencijama Vijeća Evrope, pravnom stečevinom EU i sa uspješnim praksama zemalja EU koje su zakonski regulirale ovu oblast. S obzirom da je navedeni rok od 60 dana istekao, a da do dana postavljanja ovog poslaničkog pitanja, Prijedlog zakona nemamo u parlamentarnoj proceduri, postavlja se pitanje zašto Vijeće ministara BiH nije realiziralo ovu inicijativu Predstavničkog doma PSBiH. Podsjećam da su zaključci i inicijative oba doma Parlamentarne skupštine BiH obavezujući za Vijeće ministara BiH, na što jasno ukazuju član 34. Zakona o Vijeću ministara BiH koji propisuje da "Vijeće ministara BiH za svoj rad odgovara Parlamentarnoj skupštini BiH" i član 45. Zakona o parlamentarnom nadzoru koji propisuje da "Vijeće ministara BiH odgovara domovima za predlaganje i provođenje politika i primjene zakona, drugih propisa i odredbi čije je provođenje dio njegove ustavne i zakonske nadležnosti, kao i za usmjeravanje i koordinaciju rada ministarstava".

S poštovanjem,

Dr. Denis Zvizdić